



МОНГОЛ УЛСЫН НИЙСЛЭЛИЙН ЗАСАГ ДАРГЫН ЗАХИРАМЖ

1997 оны 3 дугаар
сарын 11 өдөр

Дугаар 6-63

Улаанбаатар
хот

Соёлын газрын дүрэм батлах,
ажилд томилох тухай

1. Монгол улсын Засгийн газрын 1996 оны 263 дугаар тогтоол, нийслэлийн Засаг даргын 1997 оны Б/18 дугаар захирамжийг үндэслэн нийслэлийн Соёлын газрын дүрмийг хавсралтаар баталсугай.

2. Соёлын газрын даргаар Гүндийн Нямсамбууг 1997 оны 03 дугаар сарын 12-ноос томилж, сарын үндсэн цалинг 34950 төгрөгөөр, нэмэгдлийг үндсэн цалингийн 60 хувиар бодож тогтоосугай.

3. Газрын албан хаагчдыг ажилд томилж, цалин нэмэгдлийг холбогдох журмын дагуу тогтоож ажиллахыг Соёлын газар (н.Нямсамбуу)-т даалгасугай.



НИЙСЛЭЛИЙН ЗАСАГ ДАРГА БӨГӨӨД
УЛААНБААТАР ХОТЫН ЗАХИРАГЧ

Н.Нямсамбуу

Ж.НАРАНЦАЦРАЛТ



НИЙСЛЭЛИЙН ЗАСАГ ДАРГЫН ДЭРГЭДЭХ СОЁЛЫН ГАЗРЫН ДҮРЭМ

Нэг. Нийтлэг үндэслэл

1.1. Нийслэлийн Засаг даргын дэргэдэх соёлын газар нь нийслэлийн хөдөлмөрчдийн соёлын үйлчилгээг сайжруулах, уран сайхны боловсролыг дээшлүүлэх, соёл урлагийг хөгжүүлэх, түүх соёлын дурсгалт зүйлийг хамгаалах, төр засгийн бодлого шийдвэрийг олон түмэнд сурталчлах Засаг даргын харъяа хэрэгжүүлэгч байгууллага мөн.

1.2. Үйл ажиллагаандаа Монгол улсын төрөөс Соёлын талаар баримтлах бодлого, соёлын хууль, Нийслэлийн Иргэдийн Төлөөлөгчдийн Хурал, Засаг даргын шийдвэрийг мөрдлөг болгон ажиллана.

1.3. Соёлын газар нь нийслэлийн Засаг дарга түүний Тамгын газрын харъяанд үйл ажиллагаагаа явуулж, ажлаа тайлагнана.

1.4. Соёлын газрын бүтэц, зохион байгуулалт, орон тооны хязгаарыг нийслэлийн Засаг дарга тогтоож, даргыг нь томилж, чөлөөлнө.

Соёлын газрын дарга нь батлагдсан орон тооны хязгаарын дотор ажилтнуудаа томилж, эрх хэмжээнийхээ асуудлаар тушаал гаргана.

1.5. Үйл ажиллагаагаа явуулахад тэмдэг, албан бичгийн хэвлэмэл хуудас хэрэглэнэ.

Хоёр. Соёлын газрын үүрэг.

2.1. Соёл урлагийн талаар гарсан хууль тогтоомж, Нийслэлийн Иргэдийн Төлөөлөгчдийн Хурлын Тэргүүлэгчид, Засаг даргын шийдвэр, захирамжийг нийслэлийн нутаг дэвсгэрт хэрэгжүүлэх ажлыг зохион байгуулж, биелэлтэнд хяналт тавина.

2.2. Нийслэлийн хөдөлмөрчдийг соёл урлагаар үйлчлэх, соёлын байгууллагуудаас зохиох ажлын биелэлтэнд хяналт тавьж ажиллах.

2.3. Соёлын төв, номын сан, кино театр, музейд зохиогдох ажлыг төр засгийн бодлого шийдвэрийг хөдөлмөрчдөд сурталчлах ажилтай хослуулан, олон түмнийг цаг үеийн мэдээллээр хангах үүрэг бүхий нийслэлийн хэвлэл мэдээллийн байгууллагуудтай хамтын зорилго чиглэлтэй ажиллах.

2.4. Нийслэлийн нутаг дэвсгэрт үйл ажиллагаагаа явуулдаг соёл урлагийн байгууллагуудтай өмчийн хэлбэр үл хэргэлзэн Монгол улсын Засаг захиргаа нутаг дэвсгэрийн нэгж түүний удирдлагын тухай болон нийслэлийн эрх зүйн байдлын хуулийг хэрэгжүүлэх шаардлагын хүрээнд хамтран ажиллах.

2.5. Соёлын байгууллагын ажилтнуудыг тогтвор суурьшил, үр бүтээлтэй ажиллуулах, төдний хөдөлмөрлөх нөхцлийг сайжруулах, мэргэжил боловсролыг нь дээшлүүлж ажлын арга барилыг боловсронгуй болгохтой холбогдсон арга зүйн сургалт, семинар зохион байгуулах.

2.6. Ардын уламжлалт соёл, ёс заншлыг түгээн уламжлуулах, энэ ажилд соёл урлагийн байгууллагын ажилтнууд, ардын авъяастнуудыг зохион байгуулалттай оролцуулах.

2.7. Нийтийн хамарсан уран сайхны хөдөлгөөнийг бүх талаар дэмжин хөгжүүлэх урлагийн үзлэг наадам, уралдаан тэмцээн, соёл урлагийн баяр, өдрүүдийг зохион байгуулж байх.

2.8. Нийлэл, дүүргийн хамгаалалтанд байгаа түүх соёлын дурсгалт зүйлийг хамгаалах, сэргээн засварлах, сурталчлахтай холбогдон гарэх харилцааг зохицуулан хэрэгжүүлэх.

2.9. Соёл урлагийг хөгжүүлэх, ажилтнуудын эрх ашгийг хамгаалах үүрэг бүхий уран бүтээлийн эвлэл холбоод, үүсгэл санаачилгын байгууллагатай соёлын бодлогыг хэрэгжүүлэхэд хамтран ажиллах.

2.10. Соёл урлагийн байгууллагуудын ажил үйлчилгээний талаар иргэдээс гаргасан санал хүсэлт, өргөдөл гомдлыг хүлээн авч барагдуулах.

2.11. Нийслэл хотын гудамж талбайн чимэглэл, өргөн олныг хамарсан баяр ёслолын арга хэмжээг холбогдох байгууллагуудтай хамтран зохион байгуулах.

2.12. Нийслэл хот, дүүргүүдийн соёлын бодлого, соёлын байгууллагын бүтэц зохион байгуулалтын асуудлаар нийслэлийн Засаг даргын зөвлөлийн хуралд асуудал боловсруулан оруулж шийдвэрлүүлэх.

Гурав. Соёлын газрын эрх:

3.1. Соёл урлагийн ажил үйлчилгээтэй холбоотой асуудлаар албан байгууллага, хувь хүмүүсийн ажлыг шалгаж зааварчлах, үүрэг даалгавар өгөх, биелэлтийг хангуулах, мэдээ тайлан гаргуулах,

3.2. Өөрийн аппаратын ажилтнууд болон харъяа байгууллагын удирдлагыг томилох, дүрэм ажил үүргийн хуваарийг баталж цалинг тогтоох,

3.3. Соёлын төлбөрт үйлчилгээ, сайн дурын үүсгэл санаачлагаар байгуулагдсан хамтлаг, чуулагд зөвшөөрөл олгох, үйл ажиллагаанд нь хяналт тавих.

3.4. Соёл урлагийн талаар бусад орны холбогдох байгууллагуудтай хамтран ажиллах гэрээ, хэлцэл байгуулан хэрэгжүүлэх,

3.5. Соёл урлагийг хөгжүүлэх үйлсэд тодорхой хувь нэмэр оруулсан хүмүүсийг Монгол улсын төр засгийн болон улс олон нийтийн байгууллага, нийслэлийн Засаг даргын шагналаар шагнуулахаар тодорхойлох, өөрийн мэдлийн шагналаар урамшуулах,

3.6. Соёл урлагийн салбарын бүтэц, зохион байгуулалтыг боловсронгуй болгох, олон түмний соёл, уран сайхны боловсролыг дээшлүүлэх санал боловсруулан холбогдох байгууллагад тавьж шийдвэрлүүлэх,